

INUIT ATAQATIGIIT

Inatsisartuni



03.09.2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Mittarfiit sanaartorneqarnissaat sioqqullugu ullumikkutut angallannerut aaqqissuunneqarsimanera Naalakkersuisuisut naammagisimaarpaat?**
- 2. Naalakkersuisut kiffartuussinermut isumaqatigiisummi Disko Line-ip pituttorfigineqarsimanera naammagisimaarpaat?**
- 3. Angallannermut Naalakkersuisup akisussaasutut pingaartumik nunatta kujataani Disko bugt-imilu kiffartuussinermut isumaqatigiisut atorunnaarsinneqartariaqanngitsutut isumaqarfigai?**
- 4. Kiffartuussinermi isumaqatigiisummi nunatta kujataani Nanortalimmut angallasserup pitsaassusaa Naalakkersuisut isumaqatigaat?**
- 5. Qerqertarsuarmut aamma Qaqortumi Narsamilu kiffartuussinermi isumaqatigiisummi pituttuisumik angallasseriaaseq Angallannermut Naalakkersuisup Naalakkersuisoqataasalu ajunngitsutut isigalugu allanngortinniannngilaat?**
- 6. Kiffartuussinermik isumaqatigiisutit atorunnaarsinneqassanngippata tunngavilersuutit qanoq ittut Angallannermut Naalakkersuisup tunngavilersuutigai?**
- 7. Kiffartuussinissamik isumaqatigiisutit nutaassat isumaqatiginninniutigineqaqqinnissaat, imaluunniit suliariumannittussarsiusseqinnissaq qaqugu pissappat?**
- 8. Imaatigut angallassisartut nunaqavissut aamma silaannakkut angallassisartut nunaqavissut namminersortutut siuarsarnissaat siunertaralugu suliariumannittussarsiuussinissani immikkut periarfissinneqartalernissaat siunertaralugu Naalakkersuisut iliuuseqalersaarpat?**

9. Kiffartuussinissamik isumaqatigiissummi aningaasaliissutit Naalakkersuisut aningaasanut inatsisissami siunnersuusiorumaarnissaminni qaffanneqarnissaat anguniassamaarpat?

10. Disko Line-ip nunatta kujataani kiffartuussisuunera Angallannermut Naalakkersuisup atorunnaarsinniarlugu Naalakkersuisunut siunnersuuteqalersaarpa?

(Inatsisartuni ilaasortaq Aqqaluaq Biilmann Egede, Inuit Ataqtigiit)

Tunngavilersuut:

Ukiuni kingullerni nunatsinni innuttaasut assut kiffartuussinissamik isumaqatigiisut pillugu isummersuuteqarput. Apeqquutilu Naalakkersuisunut ingerlatakka akineqarnerisigut paasisaqarnissara kissaatigaara. Naalakkersuisut akisussaaffimmik tigumminninnerminni, suliarlu pillugu akisussaasutut sallertut qanoq iliuseqalersaarnerat paasisaqarfigerusuppara. Apeqqutit qulaani allatakka inuiaqatigiinni ujartorneqartutut ittut akissutissarsineqarnissaat pisariaqarpoq. Taamaammat neriutigaara Naalakkersuisut ersarissumik politikikkut qanoq siunertaqartoqarneranik akissuteqassasut. Apeqqutimmi erseqqissumik akineqartanninnerat sivitsulersoq unittariaqarpoq, erseqqissuliortoqartariaqarporlu. Nunatta sineriaani inuit apeqqutaat Naalakkersuisuniitqanoq akineqarnissaat pissanngatigaara. Ukiaanerani Inatsisartut ataatsimiinnissaat pitinnagu oqaaseqarfissallu piareersimaffiginiarlugit kissaatigaara apeqqutit ullut suliffiusut qulit qaangiutsinnagit akineqarnissaat.